



Tužilaštvo-Tužiteljstvo Bosne i Hercegovine
Тужилаштво Босне и Херцеговине

Broj: T20 0 KTRZ 0021579 21

Datum: 21.12.2022. godine

Sudu Bosne i Hercegovine
Sudiji za prethodno saslušanje

Na osnovu člana 35. stav 2. tačka i), člana 226. stav 1. i člana 227. stav 1. Zakona o krivičnom postupku Bosne i Hercegovine (ZKP BiH) podižem:

OPTUŽNICU

Protiv:

Pjano Miroslav zv. „Miro“, [REDACTED], rođenog [REDACTED] 1970. godine u Foči, [REDACTED] državljanina Republike Srbije i Bosne i Hercegovine, [REDACTED]

Što je:

U vremenskom periodu od sredine aprila 1992. godine do kraja septembra 1992. godine na području općine Foča, u vrijeme širokog i sistematskog napada vojnih, paravojnih i policijskih snaga tzv. Srpske Republike BiH, a potom Republike Srpske, a koji je trajao od 08.04.1992. godine pa najmanje do kraja oktobra 1994. godine, usmjerenog protiv civilnog stanovništva bošnjačke nacionalnosti općine Foča, znajući za takav napad i da njegove radnje čine dio tog napada, kao pripadnik tih snaga, vršio progon¹ civilnog stanovništva bošnjačke nacionalnosti na nacionalnoj i vjerskoj osnovi, tako što je učestvovao u zatvaranju, nečovječnom postupanju, ubistvima i prisilnom preseljenju civila bošnjačke nacionalnosti, postupajući suprotno pravilima Međunarodnog humanitarnog prava kršeći odredbe zajedničkog člana 3. Ženevskih konvencija od 12.08.1949. godine² i članova 49.³ i 147.⁴ Ženevske konvencije o zaštiti građanskih lica za vrijeme rata, u okviru kojeg progona je:

¹ h) progon bilo koje grupe ljudi ili kolektiva na ... nacionalnoj, ... vjerskoj, ... osnovi koja je univerzalno prihvaćena kao nedopustiva po međunarodnom pravu, u vezi s bilo kojim krivičnim djelom iz ovog stava ovog člana, bilo kojim krivičnim djelom propisanim u ovom zakonom ili bilo kojim krivičnim djelom u nadležnosti Suda Bosne i Hercegovine.

² Član 3.: U slučaju oružanog sukoba koji nema karakter međunarodnog sukoba, a koji izbije na teritoriji jedne od Visokih strana ugovornica, svaka od strana u sukobu biće dužna da primenjuje bar sledeće odredbe:

1) Prema licima koja ne učestvuju neposredno u neprijateljstvima, podrazumevajući tu i pripadnike oružanih snaga koji su položili oružje i lica onesposobljena za borbu usled ... lišenja slobode ili iz kojeg bilo drugog uzroka, postupaće se, u svakoj prilici, čovečno, bez ikakve nepovoljne diskriminacije zasnovane na ... veri ... ili kome bilo drugom sličnom merilu. U tome cilju zabranjeni su i zabranjuju se, u svako doba i na svakom mestu, prema gore navedenim licima sledeći postupci: a) povrede koje se nanose životu i telesnom integritetu, naročito sve vrste ubistva, c) povreda ličnog dostojanstva, naročito uvredljivi i ponižavajući postupci; ...

1. Dana 05.05.1992. godine u prijedopodnevnim satima u selu Saš - općina Foča, **Pjano Miroslav** je učestvovao u zatvaranju, nečovječnom postupanju i prisilnom preseljenju civila bošnjačke nacionalnosti, i to tako što je **Pjano Miroslav** kao pripadnik rezervnog sastava policije SJB Foča i istovremeno kao vođa grupe od oko 10 uniformisanih i naoružanih pripadnika vojske i policije Republike Srpske, došao u selo Saš naseljeno bošnjačkim stanovništvom, a potom su se rasporedili u grupe po dvojica ili trojica i izvršili pretres bošnjačkih kuća, pa su došli ispred kuće [REDACTED] i to tako što je prvo na kapiju od dvorišta ušao **Pjano Miroslav**, a za njim jedna grupa vojnika, dok je druga grupa vojnika došla sa druge strane kuće, te su opkolili kuću u kojoj su se nalazili oštećeni: [REDACTED], nakon čega je **Pjano Miroslav** naredio [REDACTED] da zovne [REDACTED] da dođe, što je [REDACTED] i učinio nakon čega su ispred kuće [REDACTED] došli [REDACTED] koji su se nalazili sa [REDACTED] na obližnjoj livadi, dok je [REDACTED] pobjegao u šumu, pa su nakon toga svi oštećeni ispitivani od strane **Pjana Miroslava** i drugih vojnika, nakon čega su **Pjano Miroslav** i ostali vojnici nezakonito lišili slobode [REDACTED] te su, u namjeri nanošenja velike patnje i ozbiljne fizičke i psihičke povrede kao i narušenja zdravlja, tukli [REDACTED], i nanijeli im velike patnje i ozbiljne fizičke i psihičke povrede, a nakon toga su srpski vojnici uključujući **Pjana Miroslava** nezakonito lišili slobode [REDACTED] nakon čega su ih vezali liscama i povelili pješice, a zatim je dio grupe ovih srpskih vojnika među kojima je bio **Pjano Miroslav** nezakonito lišio slobode [REDACTED] te su ih doveli do kuće [REDACTED], dok je druga grupa srpskih vojnika u zaseoku Požarevo ispred kuće [REDACTED] nezakonito lišila slobode: [REDACTED] i odveli ih do kuće [REDACTED] gdje su se nalazili ostali civili nezakonito lišeni slobode, a potom su srpski vojnici ispred kuće [REDACTED] u namjeri nanošenja velike patnje i ozbiljne fizičke i psihičke povrede kao i narušenja zdravlja, tukli [REDACTED] šakama, nogama i kundakom puške, i nanijeli mu velike patnje i ozbiljne fizičke i psihičke povrede, dok su drugi vojnici pljačkali prodavnicu [REDACTED], nakon čega je **Pjano Miroslav** pustio [REDACTED], a ostala lica nezakonito lišena slobode i to: [REDACTED] odveli pješice u pravcu mjesta Dragočava, odakle su ih vozilima prevezli u Foču i predali radi nezakonitog zatvaranja i prisilnog preseljenja u KPD Foča, nakon čega su [REDACTED] preseljeni na teritoriju pod kontrolom Armije BiH, dok je [REDACTED] ubijen i ekshumiran u Buk Bijeloj poslije rata, a ubijeni su i [REDACTED] te su njihove kosti ekshumirane;
2. Dana 27.07.1992. godine u selu Bijele vode - općina Foča, **Pjano Miroslav** je učestvovao u nečovječnom postupanju i ubistvo civila bošnjačke nacionalnosti, tako što je **Pjano Miroslav** zajedno sa drugim uniformisanim i naoružanim pripadnicima VRS, došao u selo Bijele vode gdje su nezakonito lišili slobode civile bošnjačke nacionalnosti [REDACTED], nakon čega je **Pjano Miroslav**, u namjeri nanošenja velike patnje i ozbiljne fizičke i psihičke povrede kao i narušenja

³ **Zabrana deportacije, preseljenja i evakuacije** Član 49.: Prinudna preseljavanja, masovna ili pojedinačna, kao i progonstva zaštićenih lica izvan okupirane teritorije na teritoriju okupirajuće Sile ili na teritoriju koje bilo druge države, okupirane ili ne, zabranjena su, bez obzira na razlog.

⁴ **Teške povrede** Član 147.: Teške povrede ... obuhvataju jedno od sljedećih djela, ako su ona izvršena protiv lica ili dobara koje štiti Konvencija: hotimično ubistvo, ... nečovječno postupanje, ... namjerno prouzrokovanje velikih patnji ili nanošenje ozbiljnih povreda tjeleu ili zdravlju, nezakonita progonstva i preseljenja, protivzakonita zatvaranja, ...

zdravlja, udarao [REDACTED] kundakom puške u predjelu leđa i tražio od [REDACTED] da zove komšiju [REDACTED] da dođe iz šume do njih govoreći pri tome [REDACTED] da viče glasno: „[REDACTED], zove te Pjano Miroslav da se predaš i da idemo u Foču“, a nakon toga je **Pjano Miroslav** zajedno sa drugim srpski vojnicima prisilio [REDACTED] da se kreću prema kamionu, te su ih za to vrijeme, u namjeri nanošenja velike patnje i ozbiljne fizičke i psihičke povrede kao i narušenja zdravlja, udarali kundacima puške u predjelu leđa, nakon čega su ih ukrcali u žuti kamion „Fap“ kojeg je vozio [REDACTED], a potom su ih kamionom odvezli u pravcu mjesta Duge njive, a onda prema šumi zvanoj Laze, gdje su ih ubili rafalnim pucnjevima iz automatskog oružja;

3. Dana 29.08.1992. godine u selu Potpeće, općina Foča, **Pjano Miroslav** zajedno sa drugim uniformisanim i naoružanim pripadnicima VRS, učestvovao u zatvaranju i prisilnom preseljenju 10 civila bošnjačke nacionalnosti, te ubistvu šest (6) civila bošnjačke nacionalnosti, i to tako da je **Pjano Miroslav** zajedno sa 20-ak pripadnika jedinice „Nikač“, koji su bili podijeljeni u grupe, ušao u selo Potpeće, nakon čega su dvije grupe vojnika, uključujući **Pjano Miroslava**, ispred kuće [REDACTED] zarobile 10 bošnjačkih civila mještana sela Potpeće i to: [REDACTED]

[REDACTED], dok su drugi pripadnici „Nikačeve“ jedinice nezakonito lišili slobode još dva bošnjačka civila mještana sela Potpeće i to [REDACTED] te su ih doveli pred kuću [REDACTED], dok su drugi pripadnici „Nikačeve“ jedinice pred kuću [REDACTED] doveli još pet bošnjačkih civila mještana sela Potpeće i to: [REDACTED]

[REDACTED], a potom su pripadnici „Nikačeve“ jedinice, a među njima i **Pjano Miroslav**, natjerali ovih 17 zarobljenih mještana sela Potpeće da uđu u kuću [REDACTED] te su ih s vremena na vrijeme plašili ubacujući nešto u kuću i govoreći im: „Eto bombe“, pa su se smijali tome, a zatim su prosuli benzin po sobi gdje su držani zarobljeni civili, nakon čega je [REDACTED] naredio pripadnicima jedinice „Nikač“ da povedu pojedine zarobljene žene i djecu prema Dragočavi, a potom je **Pjano Miroslav** zajedno sa drugim pripadnicima jedinice „Nikač“ iz kuće izveo 11 zarobljenih žena i djece i to: [REDACTED]

[REDACTED] nakon čega su pripadnici jedinice „Nikač“ ubili iz automatskih pušaka preostalih šest civila koji su ostali zatvoreni u kući, pri čemu je jedan od pripadnika „Nikačeve“ jedinice uzeo ručnu bombu i ubacio je kroz prozor među zarobljene u kući, a nakon što je bomba eksplodirala, ušao je u kuću, ispalio još nekoliko rafala iz vatrenog naoružanja i izašao iz kuće, te su tako ubili šest zarobljenih civila i to: [REDACTED]

[REDACTED], a zatim zapalili kuću sa tijelima ubijenih, dok su preostalih 11 zarobljenih žena i djece **Pjano Miroslav** i ostali pripadnici jedinice „Nikač“ odveli prema Dragočavi, gdje su ih ukrcali na vojni kamion 150-ka na kojem se nalazio i **Pjano Miroslav**, te ih kamionom odvezli prema Foči i nezakonito zatvorili u sportsku dvoranu Partizan na području grada Foča radi preseljenja, a koji civili su, osim [REDACTED] koji je nestao, nakon toga prinudno preseljeni na područje Trnova pod kontrolom Armije BiH;

4. Dana 29.08.1992. godine u selo Potpeće, općina Foča, a nakon zarobljavanja 17 civila, **Pjano Miroslav** je nečovječno postupao prema zarobljenim civilima bošnjačke nacionalnosti, i to tako što je:

a) prišao zarobljenim [REDACTED] u dvorištu kuće [REDACTED], a kada mu se [REDACTED], koji ga je poznao, obratio rekavši mu: „Gdje si Miro“, **Pjano Miroslav** mu je odgovorio: „Nemoj se meni obraćati, balijsku ti majku je...“, a

zatim je **Pjano Miroslav**, u namjeri nanošenja velike patnje i ozbiljne fizičke i psihičke povrede kao i narušenja zdravlja, jako udario [REDACTED] u predjelu oka, od kojeg udarca se [REDACTED] oko zatvorilo, a nakon nekog vremena **Pjano Miroslav** je oborio na tlo [REDACTED] i stavio mu nogu na stomak i nož ispod vrata, a nakon što mu je [REDACTED] naredio: „*Nemoj sada Miro*“, **Pjano Miroslav** je pustio [REDACTED] govoreći mu: „*Neće se ovako završiti*“;

- b) jedan od pripadnika jedinice „Nikač“ je izveo ispred kuće [REDACTED] gdje ju je **Pjano Miroslav**, u namjeri nanošenja velike patnje i ozbiljne psihičke povrede, hvatao za grudi, pa nakon što je oštećena počela negodovati zbog toga, **Pjano Miroslav** ju je, u namjeri nanošenja velike patnje i ozbiljne fizičke i psihičke povrede kao i narušenja zdravlja, ošamario od kojeg udarca je oštećenoj [REDACTED] potekla krv iz nosa;

5. Dana 29.08.1992. godine u večernjim satima u selu Saš – općina Foča, **Pjano Miroslav** je učestvovao u zatvaranju i prisilnom preseljenju dva civila bošnjačke nacionalnosti, i to tako da je **Pjano Miroslav** zajedno sa drugim pripadnicima jedinice „Nikač“, došao u selo Saš i to ispred kolibe u kojoj su spavali civilni bošnjačke nacionalnosti: [REDACTED]

[REDACTED] a zatim su im lupali na vrata, nakon čega su [REDACTED] i **Pjano Miroslav** ušli u ovu kolibu te ispitivali ove civile, a zatim su [REDACTED] i **Pjano Miroslav** naredili [REDACTED]

[REDACTED] da izađu iz kolibe, što su one i učinile, dok je u kolibi ostao [REDACTED] koji je nakon toga ubijen, a u blizini je ubijen i [REDACTED], a nakon što su oštećene [REDACTED] zajedno sa [REDACTED] i **Pjano Miroslavom** došle do mjesta zv. Stupovi ili Donja bašća, a koje je udaljeno oko 500 – 600 metara od Dragočave, u blizini kuće [REDACTED] je naredio da oštećena [REDACTED] idu na razmjenu u Foču, a da se [REDACTED] vrate kući u selo Saš, čemu se [REDACTED] usprotivila pa joj je **Pjano Miroslav** iz naručja oteo kćerku [REDACTED] koja je tada imala tri godine i krenuo u pravcu Dragočave, nakon čega se [REDACTED] razdvojila od [REDACTED] i otišla za **Pjano Miroslavom**, dok su [REDACTED] ubijene, a zatim je [REDACTED] zajedno sa mldb. [REDACTED] došla do Dragočave gdje su je **Pjano Miroslav** i drugi pripadnici Nikačeve jedinice ukrcali u vojni kamion 150-k, a zatim ih odvezli i nezakonito zatvorili u sportsku dvoranu Partizan na području grada Foča radi preseljenja, a koji civilni su nakon toga prinudno preseljeni na područje Trnova pod kontrolom Armije BiH;

Dakle:

u okviru širokog i sistematičnog napada vojnih, paravojnih i policijskih snaga Republike Srpske, usmjeren protiv civilnog bošnjačkog stanovništva općine Foča, znajući za takav napad te da njegove radnje čine dio napada, kao pripadnik tih snaga, izvršio progon u okviru kojeg je učestvovao u nečovječnom postupanju prema osobama bošnjačke nacionalnosti učinjena u namjeri nanošenja velike patnje ili ozbiljne fizičke ili psihičke povrede ili narušenja zdravlja, ubistvu civila bošnjačke nacionalnosti, zatvaranju i prisilnom preseljenju civila bošnjačke nacionalnosti;

Čime je počinio:

1. krivično djelo „Zločini protiv čovječnosti” iz člana 172. stav 1.⁵ tačka h) (progon)⁶ u vezi sa tačkom e),⁷ tačkom k)⁸ i tačkom d)⁹ u vezi sa članom 29. (saizvršilaštvo)¹⁰ i članom 180. stav 1.¹¹ Krivičnog zakona Bosne i Hercegovine, opisano pod **tačkom 1.** ove Optužnice;
2. krivično djelo „Zločini protiv čovječnosti” iz člana 172. stav 1. tačka h) (progon) u vezi sa tačkom a)¹² i tačkom k), u vezi sa članom 29. (saizvršilaštvo), i članom 180. stav 1. Krivičnog zakona Bosne i Hercegovine, opisano pod **tačkom 2.** ove Optužnice;
3. krivično djelo „Zločini protiv čovječnosti” iz člana 172. stav 1. tačka h) (progon) u vezi sa tačkom e), tačkom d) i tačkom a), u vezi sa članom 29. (saizvršilaštvo), i članom 180. stav 1. Krivičnog zakona Bosne i Hercegovine, opisano pod **tačkom 3.** ove Optužnice;
4. krivično djelo „Zločini protiv čovječnosti” iz člana 172. stav 1. tačka h) (progon) u vezi sa tačkom k), i članom 180. stav 1. Krivičnog zakona Bosne i Hercegovine, opisano pod **tačkom 4.a) i 4.b)** gore ove Optužnice;
5. krivično djelo „Zločini protiv čovječnosti” iz člana 172. stav 1. tačka h) (progon) u vezi sa tačkom e) i tačkom d), u vezi sa članom 29. (saizvršilaštvo) i članom 180. stav 1. Krivičnog zakona Bosne i Hercegovine, opisano pod **tačkom 5.** ove Optužnice;

Tužilac Tužilaštva BiH

⁵ Član 172. stav (1) Ko, kao dio širokog ili sistematičnog napada usmjerenog bilo protiv kojeg civilnog stanovništva, znajući za takav napad, učini koje od ovih djela: ...

⁶ ... h) progon bilo koje grupe ljudi ili kolektiva na ... nacionalnoj, ... vjerskoj, ... osnovi koja je univerzalno prihvaćena kao nedopustiva po međunarodnom pravu, u vezi s bilo kojim krivičnim djelom iz ovog stava ovog člana, bilo kojim krivičnim djelom propisanim u ovom zakonom...

⁷ e) zatvaranje ili drugo teško oduzimanje fizičke slobode suprotno osnovnim pravilima međunarodnog prava;

⁸ k) druga nečovječna djela slične prirode, učinjena u namjeri nanošenja velike patnje ili ozbiljne fizičke ili psihičke povrede ili narušenja zdravlja;

⁹ d) deportacija ili prisilno preseljenje stanovništva;

¹⁰ Ako više osoba, učestvovanjem u učinjenju krivičnog djela ili preduzimajući što drugo čime se na odlučujući način doprinosi učinjenju krivičnog djela, zajednički učine krivično djelo, svaka od njih kaznit će se kaznom propisanom za to krivično djelo.

¹¹ Član 180.: (1) Osoba koja ... učini ... ili pomaže u ... učinjenju krivičnih djela iz člana ... 172. (Zločini protiv čovječnosti), ... ovog zakona, kriva je za to krivično djelo.

¹² a) lišenje druge osobe života (ubistvo);